

Ambil perhatian serius isu pelupusan sisa klinikal peralatan cegah COVID-19

KUCHING: Isu pelupusan sisa klinikal kit ujian sendiri COVID-19, pelutup muka dan peralatan perlindungan diri (PPE) perlu perhatian serius semua pihak.

Menteri Muda Perancangan Bandar, Pentadbiran Tanah dan Alam Sekitar Datu Len Talif Salleh berkata, penggunaan peralatan tersebut menunjukkan peningkatan yang ketara sejak pandemik COVID-19 melanda negara.

“Kaedah terbaik untuk melupuskan barangan ini sedang diteliti agar tidak mendatangkan keburukan kepada alam sekitar dan kesihatan rakyat dalam tempoh jangka masa panjang,” ujarnya.

Beliau berkata demikian ketika merasmikan Sambutan Hari Alam Sekitar Negara (HASN) 2021 Peringkat Negeri Sarawak di Dewan Perpaduan RPR Batu Kawa yang dihadiri penyandang kerusi Dewan



TAHNIAH: Len (tiga kanan) menyampaikan hadiah kepada salah seorang pemenang pertandingan fotografi sempena Sambutan HASN 2021 Peringkat Negeri Sarawak di Dewan Perpaduan RPR Batu Kawa semalam. Turut kelihatan Lo (dua kanan).

Undangan Negeri (ADUN) Batu Kitang Lo Khere Ching, semalam.

Len berkata, begitu halnya juga dengan pelupusan bahan elektronik seperti televisyen dan peti sejuk yang turut mempunyai bahan kimia berbahaya.

Justeru, beliau berharap

orang ramai memainkan peranan mereka sebagai individu serta bersama-sama membantu kerajaan dan Jabatan Alam Sekitar, Lembaga Alam Sekitar dan Sumber Asli (NREB), Trienekens dan agensi berkaitan dalam menjaga alam sekitar.

“Sudah tentu, pen-

guatkuasaan dan undang-undang sahaja tidak memadai untuk menjaga alam sekitar, sebaliknya rakyat perlu mempunyai pemikiran untuk membudayakan serta menjaga alam sekitar ini bersama,” katanya.

Pada majlis itu, beliau turut menyampaikan had-

iah kepada lima pemenang pertandingan fotografi sempena Sambutan HASN 2021 Peringkat Negeri Sarawak.

Hadir sama Pengarah Jabatan Alam Sekitar Sarawak Hamzah Mohamad dan Ketua Pegawai Eksekutif Kumpulan Trienekens (Sarawak) Sdn Bhd Stephen Chin.